

eis peracta, etiam a dictis Prioribus Generalibus approbata, vim legitimi ad premissa requisiti non obtineant, nisi in aliqua ex designatis Urbibus habitaverint.

Clausula.

§.4. Decernentes, ipsas presentes literas semper firmas validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, inconcussis observari, illisque respective plenissime suffragari; Sicque in premissis per quoscumque Judices ordinarios & delegatos, etiam Causarum Palatii Apostolici Auditores, iudicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.5. Non obstantibus premissis, ac Constitutionibus & Ordinationibus Apostolicis; necnon, quatenus opus sit, predicti Ordinis, aliisque quibusvis, etiam juramento, confirmatione Apostolica, vel quavis firmitate, alia roboratis statutis, & consuetudinibus, privilegiis quoque, indultis, & literis Apostolicis, in contrarium premissorum quomodolibet concessis, confirmatis, & innovatis; Quibus omnibus & singulis, illorum tenores presentibus pro plene & sufficienter expressis, ac de verbo ad verbum insertis habentes, illis aliis in suo robore permansuris, ad premissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 10. Novembris 1733. Pontificatus Nostri Anno Quarto.

F. Card. Oliverius.

CXVII.

Dat. die 23. Nov. 1733. Pont. An. IV.

Confirmatur Decretum Congregationis Episcoporum & Regularium circa electionem, vel substitutionem Visitatorum Provinciae Portugalliae ejusdem Ord. S. Augustini.

CLEMENS PAPA XII.

Ad perpetuam rei memoriam.

Posito.

§.1. Nuper pro parte dilectorum filiorum Emanuelis de Albuquerque Prioris Provincialis, ac Definitorum Provinciae Portugalliae Ordinis Fratrum Eremitarum S. Augustini, Congregationi Ven. Fratrum Nostrorum S.R.E. Cardinalium, negotiis & consultationibus Episcoporum & Regularium praeposita, exposito, quod, cum in Constitutionibus dicti Ordinis Apostolica auctoritate confirmatis part. 3. cap. 14. num. 5. ubi agitur de electione Visitatoris seu Visitatorum, habeatur, ut eveniente casu obitus, vel alterius deficientiae Visitatoris sive Visitatorum in Capitulo Provinciali electorum, si id ante Congregationem intermediam contingat, ad eandem Congregationem vocari debeant Visitator seu Visitatores praecedentis Capituli

Provincialis; si vero post praedictam Congregationem accidat, jus sit Definitorio privato, alium seu alios in locum deficientium eligendi ac deputandi; In Provincia autem praefata quadam inter duas ejus filiationes seu partialitates alternativa per se: Innocentium PP. XII. Praedecessorem Nostrum, stabilita sit, cui omnes ejusdem Ordinis Constitutiones aptatae fuerunt, ac ubi de electione Visitatorum sermo est, disponatur quod duo Visitatores ipsius Provinciae juxta alternativam hujusmodi eligantur, unus ex una, & alius ex altera filiationibus: ac deficiente alterutro ante dictam Congregationem intermediam, succedat alius ejusdem filiationis Capituli proximioris; & si nullus inveniat illius filiationis, qui succedere possit, eligatur a Definitorio alius filiationis praedictae: sicut si deficiat post Congregationem intermediam praedictam; licet hujus dispositionis intelligentia & explicatio, in postremis verbis aliquantum subobscura, desumenda videatur a clariori & literali dispositione praedictarum Constitutionum in casu quocumque deficientiae Visitatoris post dictam Congregationem intermediam; nihilominus Exponentes praedicti ad evitandas contentiones sive controversias, quae ex ejusmodi verborum ambiguitate excitari possent, memorata Congregationis Cardinalium sententiam desuper exquirere opportunum duxissent: ab eaque petissent, quatenus declarare ac definire vellet: An eveniente casu deficientiae unius vel utriusque Visitatoris post celebrationem Congregationis intermediae, electio substituentium ad Definitorium privatum spectet: seu potius ad officium hujusmodi Visitatores Capituli praecedentis assumendi sint, prout assumi deberent, si deficientia ante celebrationem dictae Congregationis intermediae contigerit in casu &c. Emanavit ab eadem Congregatione Cardinalium Decretum tenoris, qui sequitur:

Sacra Congregatio Eminentissimorum & Reverendissimorum S. R. E. Cardinalium, negotiis & consultationibus Episcoporum & Regularium proposita, referente Eminentissimo Cardinali Gotti Ponente, attenta relatione Patris Procuratoris Generalis Ordinis, remature perpensa, censuit decernendum, prout decrevit & declaravit: Affirmative ad primam dubii partem, & negative ad secundam; dummodo tamen non sit completa Visitatio, nam Visitatione completa, nec electioni nec substitutioni locus erit. Romae 13. Novembris 1733.

Card. Franciscus Barberinus.

I. Archiepiscopus Corin. Secretarius.

§.2. Cum autem, sicut pro parte dictorum Emanuelis & Definitorum Nobis subinde expositum fuit, ipsi, Decretum hujusmodi, quod firmius subsistat, Apostolica confirmatione nostrae patrocinio communiti plurimum desiderent; Nos, ipsos Exponentes specialibus favoribus & gratiis prosequi volentes, eorumque singulares personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis, a jure vel ab homine quavis

Congregationis Decretum.

Confirmatur.

fione

Harum Literarum observantia.

Obstantium derogatio.

Dat. die 7. Dec. 1733. Pont. An. IV.

Aliud Decretum ejusdem tenoris pro

fione vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes & absolutas fore censentes, supplicationibus, illorum nomine Nobis super hoc humiliter porrectis, inclinati, Decretum praesentium auctoritate Nostri Apostolica tenore praesentium approbamus & confirmamus; illicque inviolabilis Apostolicae firmitatis robor adjicimus: salva tamen semper in premissis auctoritate Congregationis eorundem Cardinalium.

§.3. Decernentes, ipsas presentes literas, semper firmas validas & efficaces existere & fore; suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, in omnibus & per omnia plenissime suffragari, & ab eis respective inconcussis observari; Sicque in premissis per quoscumque Judices ordinarios & delegatos, etiam Causarum Palatii Apostolici Auditores, iudicari & definiti debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Constitutionibus & Ordinationibus Apostolicis; necnon, quatenus opus sit, Provinciae, & Ordinis praedictorum, aliisque quibusvis, etiam juramento, confirmatione Apostolica, vel quavis firmitate alia, roboratis statutis, & consuetudinibus, privilegiis quoque, indultis, & literis Apostolicis in contrarium premissorum quomodolibet concessis confirmatis & innovatis.

§.5. Quibus omnibus & singulis, illorum tenores presentibus pro plene & sufficienter expressis, ac ad verbum insertis habentes, illis aliis in suo robore permansuris, ad premissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die 23. Novembris 1733. Pontificatus Nostri Anno Quarto.

F. Card. Oliverius.

CXVIII.

Dat. die 7. Dec. 1733. Pont. An. IV.

Breve Sanctissimi Domini Nostri circa appellationes & recursum, a Fratribus Ordinis Eremitarum Sancti Augustini gradatim, ad Ordinis ejusdem Superiores faciendos, ad Fratres Discalceatos Congregationum Italiae & Germaniae dicti Ordinis extenditur.

Breve hujusmodi lege superioris.

CLEMENS PAPA XII.

Ad futuram rei memoriam.

§.1. Alias Nos generali decreto dudum a Congregatione tunc existentium Sanctae Romanae Ecclesiae Cardinalium, nego-

tiis & consultationibus Regularium praeposita, circa appellationes eorundem Regularium cujusvis Ordinis, antequam Sedem Apostolicam adire valeant, jussu sel. rec. Sixti PP. V. Praedecessoris Nostri edito, inherentes, ac supplicationibus pro parte dilecti filii Nicolai Antonii Schiassinati Prioris Generalis Ordinis Fratrum Eremitarum Sancti Augustini Nobis humiliter porrectis inclinati, auctoritate Apostolica statuimus, quod Fratres ejusdem Ordinis Eremitarum Sancti Augustini casibus, in quibus eis de jure vel juxta Constitutiones ipsius Ordinis appellare vel recurrere licebat, id deinceps non aliter facere, possent, quam gradatim, a Priore scilicet ad Provinciale, & a Provinciali ad Generalem dicti Ordinis, itaut causae appellationis seu recursum hujusmodi, antequam ab eodem Priore Generali cognita & definita fuissent, extra Ordinem praedictum deferri & agitari nequirent; ac propterea omnibus Romanae Curiae Tribunalibus, ac Judicibus, & quibusvis etiam Venerabilium Fratrum nostrorum Sanctae Romanae Ecclesiae praefatae Cardinalium Congregationibus, necnon dictae Sedis Nuntiis pro tempore existentibus, ne Fratrum Ordinis praedicti appellationem seu recursum admitterent, causaque ejusmodi cognoscerent, nisi prius eis legitime constitisset, illas per dictos Superiores, memorato ordine servato, cognitias & definitas fuisse, sub poena nullitatis actorum ac inde secutorum, & quoad Religiosos appellantes vel recurrentes, sub gravibus nostro & Romani Pontificis pro tempore pariter existentis arbitrio poenis, prohibuimus, & alias, prout in nostris desuper in simili forma Brevis die 15. mensis Septembris proxime praeteriti expeditis literis uberius continetur.

§.2. Cum autem, sicut dilectus filius modernus Vicarius Generalis Congregationis Italiae & Germaniae ejusdem Ordinis Fratrum Eremitarum Sancti Augustini Discalceatorum Nobis nuper exponi fecit, ipse pro quiete & tranquillitate dictae Congregationis, regularisque disciplinae in ea conservatione, literas nostras praefatas ad Fratres Congregationis praedictae, addita juxta quasdam recem. Clementis PP. VIII. Praedecessoris itidem Nostri in pari forma Brevis literas die 23. Novembris 1604. emanatas, poena privationis vocis activae & passivae, eo ipso per transgressores tam Superiores quam Subditos incurrenda, extendis ac insuper, ne dicti Fratres rescripta ad totam Congregationem praefatam spectantia absque licentia Vicarii & Definitorum Generalium pro tempore quocumque existentium ejusdem Congregationis a Sede Apostolica procurare audeant, quemadmodum per Constitutiones ipsius Congregationis part. 3. cap. 6. §. 2. cavetur, prohiberi summopere desideret; Nobis propterea humiliter supplicari fecit, quatenus in premissis opportune providere, & ut, infra, indulgere, de benignitate Apostolica dignaremur. Nos igitur, praedictum Vicarium Generalem specialibus favoribus & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis

Ordine S. Augustini emanatum.

Quare petitionem, ut ad Fratres Congregationum Italiae & Germaniae extendatur.



fficiis sententiis, censuris, & poenis, a jure vel ab homine quavis occasione vel causa latis, si quibus quomodolibet innodatus existit, ad effectum presentium dumtaxat consequendum harum serie absolventes, & absolutum fore censentes: necnon literarum Nostrarum prefatarum tenorem, & alia quaecumque, etiam specificam & individua mentionem & expressionem requirunt, presentibus pro plene & sufficienter expressis habentes, hujusmodi supplicationibus inclinati, supradictas nostras literas ac statutum & prohibitionem, pro Fratibus Ordinis Eremitarum Sancti Augustini facta, sicut pramittitur, ad Fratres Congregationis Italiae & Germaniae ejusdem Ordinis Discalceatorum; adeo in causis eorum appellationis vel recursus similiter gradatim procedatur, nimirum a Priore ad Provinciale & Definitorium Provinciale, & ab his ad Vicarium Generalem & Definitorium Generale, priusquam Sedes Apostolica, adeatur, sub poena privationis vocis activae & passivae, per Fratres & Superiores dictae Congregationis, qui praemissis contraverint, eo ipso incurrenda, auctoritate Apostolica tenore presentium extendimus & ampliamus. Ceterum quoad procurantes rescripta a Sede praedicta, universam Congregationem praefatam concernentia, sine licentia dictorum Vicarii & Definitorum Generalium, Constitutiones ipsius Congregationis seruari mandamus.

Prout de facto extenditur.

Clausula.

§.3. Decernentes, easdem praesentes literas semper firmas validas & efficaces existere & fore, suosque plenarios & integros effectus sortiri & obtinere; ac illis, ad quos spectat & pro tempore quodcumque spectabit, plenissime suffragari, & ab eis respective inviolabiliter observari; sicque in praemissis per quoscumque Judices ordinarios & delegatos, etiam Causarum Palatii Apostolici Auditores, judicari & definiiri debere; ac irritum & inane, si secus super his a quoquam quavis auctoritate scienter vel ignoranter contigerit attentari.

§.4. Non obstantibus Constitutionibus & Ordinationibus Apostolicis, necnon praefatorum Ordinis & Congregationis, etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis, in contrarium praemissorum quomodolibet concessis, confirmatis, & innovatis;

§.5. Quibus omnibus & singulis, illorum tenores presentibus pro plene & sufficienter expressis, & ad verbum insertis habentes, illis aliis in suo robore permanentibus, ad praemissorum effectum hac vice dumtaxat specialiter & expresse derogamus, ceterisque contrariis quibuscumque.

Datum Romae apud Sanctam Mariam. Majorem sub Annulo Piscatoris die 7. Decembris 1733. Pontificatus Nostri Anno Quarto.

F. Card. Oliverius.

CXIX.

Confirmatio quorundam Decretorum & Statutorum Congregationis Hispaniae Fratrum Discalceatorum Ordinis Sanctissimae Trinitatis Redemptionis Captivorum.

Dat. die 10. Dec. 1733. Pont. An. IV.

CLEMENS PAPA XII.

Ad futuram rei memoriam.

IN supremo militantis Ecclesiae Solio per ineffabilem divinae Bonitatis abundantiam, nullo licet meritorum nostrorum suffragio constituti, ea, quae pro salubri Congregationum Religiosorum Virorum, qui Altissimi obsequiis sub suavi Religionis iugo participati sunt, directione provide prouidenter constituta sunt, ut firma semper atque inviolata persistant, Apostolici muniminis praesidio, cum id a Nobis petitur, libenter roboramus.

Exordium.

§.1. Exponi siquidem Nobis nuper fecit dilectus filius Michael a Sancto Raphaelo, Procurator Generalis Congregationis Hispaniae Fratrum Discalceatorum Ordinis Sanctissimae Trinitatis Redemptionis Captivorum, quod Capitulum Generale, & Definitorium Generale Congregationis hujusmodi quaedam novas leges, decreta, & statuta pro felici prosperoque ipsius Congregationis regimine, praesertim pro Capitulorum Generalium celebratione, fecerunt, & in unum volumen redigi curarunt, tenoris, qui sequitur, videlicet:

Tenor supplicationis.

Tenor Legum, Decretorum, & Statutorum, de quibus supra fuit facta mentio, talis est, prout sequitur, videlicet:

Exordium Statutorum.

Postquam Sanctissimus Dominus Noster Clemens Papa XII. per suas literas in forma Brevis die 11. Septembris 1730. ea confirmavit Decreta & Statuta, quae ad uniforme gubernium omnium Provinciae intra & extra Hispaniarum Regna erant erecta, & erigerentur in posterum; celebratis jam sex Provinciae Capitulis, stabilitoque earum uniformi gubernio, haec Excalceatorum Sanctissimae Trinitatis Redemptionis Captivorum, Congregationis Hispaniarum nuncupata, Religio humillime & vehementer desiderat, quod alia nunc Decreta, quae vi facultatis a sel. rec. Domino Nostro Benedicto XIII. concessa Capitulo Generali tunc futuro, & Definitorio Generali sequenti, per suas literas in forma Brevis die 26. Februarii 1728. facta quidem, & stabilita a praedictis Capitulo & Definitorio, crebro studio, & omni meditatione praemissis, integroque quotidianis sessionibus anno consumpto a Definitorio, utpote ad celebrationem instantis Capituli Generalis conducentia, imo statutis jam Capitulis Provincialibus necessaria, Apostolica auctoritate confirmationem roburque consequi mereantur & obtineant: Ideo adjunctis nonnullis, quae vim Constitutionis per trium Capitulorum confirmationem circa observantiam obti-

VII.

obtinerunt, juxta Constitutionem sel. rec. Sanctissimi Domini Nostri Clementis PP. X. cuncta Sanctae Sedis auctoritate proponenda, & Apostolicam confirmationem petendam hic subjiciuntur, videlicet:

I.

In Religione Excalceata, duae Familiae.

Quod in nostra Religione Excalceata, erunt duae Familiae, in quas totus veniat Universalis Ordo divisus: quarum una denominabitur intra-Hispana: & extra-Hispana altera. Utraque erit sub Titulari sibi Electo.

II.

Ex quarum una Minister Gen., ex altera Commissarius Gen. eligendi.

Quod ex his duabus Familiis unus Minister Generalis in Caput & earum Superiorem eligendus est, & postea Commissarius Generalis in Superiorem Generalem familiam, de qua Minister Generalis non fuerit assumptus: ita Ministro Generali tamquam Superiori omnium Commissarius Generalis & ceteri omnes humiliter pareant & obediant; quin sub poena transgressionis obedientiae ulli ceterorum, nec toti Definitorio alterius Familiae, liceat resistere illius mandatis, praesertim post secundam iussionem, in qua expressa sit clausula: Non obstantibus his, quae Nobis exposita sunt; quando exposita referantur ad literam.

III.

Commissarii jurisdictionis a solo Ministro Gen. potest impediti.

Quod similiter sua Familia obedire tenebitur suo Commissario Generali, qui vel jurisdictione ordinaria vel delegata in aliquo casu gubernium totius Familiae tenet, quin impediri aut retardari possit ab alio, quam ab omnium Superiore Ministro Generali Ordinis.

IV.

Minister Generalis primus ex una, secundus ex altera Familia assumendus.

Quod ut semper ac futuris temporibus sine alicujus Familiae sive Regionis murmure aut querela unitas Religionis sub uno Capite permanere possit & d. beat, in proxima futura Electione Ministri Generalis, faciendam, juxta Sanctam Regulam, eligendus & assumendus est in hoc munus filius Familiae Hispaniae: & in Commissarium Generalem alterius Familiae, scilicet extra-Hispanae assumendus est filius ejus.

V.

Quod finito sexennio post praedictam primam Electionem futuram, eligendus est in Ministerum Generalem Ordinis filius extra-Hispanae Familiae; & in Commissarium Generalem pro sua Familia filius Familiae Hispanae.

VI.

Quod hac semper vicissitudine impostorum fiat Electio Ministri Generalis Ordinis in Capitulo Generali.

Quod si durante sexennio Ministerum Generalem Ordinis mori contingat, vel alia quavis causa ejus officium vacaverit, ex eadem Familia illius eligendus est Vicarius Generalis Ordinis, qui, excepto nomine Ministri in omnibus & per omnia eandem jurisdictionem & praerogativas habere debet, ac Minister Generalis habuerat, & quod ejus officium duret dumtaxat usque in finem illius sexennii, ne privetur Familia Superiore Generali Ordinis adhuc per breve tempus ante Capitulum, nec inter Familias alteretur vicissitudo.

Quo moriente tempore sui sexennii ex eadem Familia Vic. G. eligendus.

VIII.

Quod si contingat, Commissarium Generalem deficere in alia Familia, mortis, renuntiationis, aut alia quavis causa, tunc Minister Generalis ex eadem ejus, qui defecerit, familia eligat Vice-Commissarium, qui auctoritate delegata, & nomine delegantis expresso omnes illi commissas facultates usque ad proximum Capitulum exerceat.

Quo feruendo u obveniente obitu, effione &c. Commiss. Gen.

IX.

Quod Capitulum Generale ad praescriptum Regulae celebretur de triennio in triennium Sabbato ante quartam Dominicam post Pascha extra Curias Principum, in domo designanda a Ministro Generali Ordinis, quatenus ipse praesideat, consulto Definitorio Generali ipsius: vel a Commissario Generali, consultis Definitoribus suae Familiae, Ministro Generali non praesidente.

Cap. Gener. quoties & quae tempore celebrandum.

X.

Quod tempore Capituli non admittantur hospites, nec domum capitularem ingrediatur Vocales per duos menses ante celebrationem Capituli, nisi fuerit Pater Provincialis illius Provinciae, exceptis Socio, si Minister fuerit, & Vocalis ille, qui ante annum habeat in eadem domo suam ibi designatam residentiam continuam.

Quid praestantur ante Capituli celebrationem.

XI.

Quod Minister Generalis, & ejus Definitorium praesistere debent ante Capitulum in eadem domo Capitulari, & ceteri Vocales ingredi teneantur Feria Quinta ante praedictam Dominicam quartam post Pascha.

XII.

Quod Pater Minister Generalis tempore apto, ut omnes, qui convocandi sunt, ad Capitulum congregentur, mittat literas vocatorias omnibus Vocalibus, qui teneantur concurrere, & invitatorias, quibus licitum sit non concurrere, easque omnes mittat cum expressione temporis & loci celebrationis imminentis Capituli Generalis; & quod si hujusmodi literae ad aliquem Capitularem non



pervenerint, nihilominus ipse concurrat, & vocatus intelligatur; dummodo constet de promulgatione Capituli Generalis facta, & in sua Provincia aliis nota.

## XIII.

De Præside  
eiusdem Ca-  
pituli.

Quod in Capitulo Generali Ordinis semper præsideat Superior Generalis illius, sive Minister: sive pro casu Minister defectus, Vicarius Generalis cognominetur; & quod si congregato jam Capitulo, ipse ægrotaverit, vel propter aliam causam non accesserit ad Capitulum, tunc Commissarius Generalis alterius Familiae erit Præses Capituli, eisque præsentia durabit usque ad finem dicti Capituli, nisi præsens fuerit noviter Electus in Ministerium Generalem, quia tunc præsentiam habere debet; & quod si etiam contingat, congregato Capitulo, Ministerium Generalem, & Commissarium Generalem alterius Familiae simul deficere, tunc Præses Capituli eligatur ab omnibus Vocalibus simul, & usque in finem Capituli præsentiam habeat, nisi noviter electus in Ministerium Generalem sit præsens.

## XIV.

Qui suffra-  
gium in eo  
habere de-  
beant.

Quod in Capitulo Generali suffragium tantum habeant sequentes: Præses Capituli, sive sit Minister Generalis, sive Vicarius Generalis, sive Commissarius alterius Familiae, sive Præses electus a Capitulo: deinde Commissarius Generalis, vel Vice-Commissarius Familiae, ex qua novus Minister Generalis assumendus est: Item Diffinitores Generales Ordinis, & postea Diffinitores Generales Familiae: omnes Ministri vel Vicarii Provinciales: singuli Socii primi pro singulis Provinciis Ordinis: Procurator Generalis Ordinis, ita ut quoties in Hispania celebretur Capitulum Generale, suffragium habeat Procurator Generalis Hispanie, & quoties celebretur Capitulum extra Hispaniam, suffragium habeat Procurator Generalis Curie Romanae: atque etiam suffragium habeat Secretarius Generalis Ministerii Generalis, qui spirat; & præterea suffragium habere poterit, qui aliquando fuerit Superior Generalis Ordinis, vel Familiae, Minister scilicet, Vicarius, Commissarius, vel Vice-Commissarius; & quod sub pena privationis ad ulteriora Ordinis officia, nullus, ne ad Capitulum adeat, nisi propter infirmitatem, excusari possit, illis exceptis, qui antea Superiores Generales fuerunt, quibus dummodo actu non sint Vocales, liberum erit adire vel non adire Capitulum propter ætatem & labores antea susceptos.

## XV.

Locorum in  
eo assignatio.

Quod primo loco sedeat in Capitulo Præses, & ad eius dexteram tota familia ipsius Ministerii Generalis, qui spirat: Secundo loco & ad sinistram Præsidis Superior Generalis alterius Familiae cum tota sua familia: Itaque Superiores Generales Caput agant ad latera; & post quemlibet intra propriam Fam-

liam ejus ceteri sequantur hoc ordine: Diffinitores Generales: Ministri aut Vicarii Provinciales: Socii primi & etiam secundi, quando subrogantur pro Vocali aliquo, quamvis subrogentur pro illo, qui superiorem sedem haberet: Præterea actualis Procurator Generalis, qui habeat suffragium: deinde Secretarius Generalis, & denique post Vocales sua Familiae qui aliquando fuerat Superior Generalis pro ea; & si plures fuerint, qui aliquando munus Superioris Generalis habuerint, qui fuit Superior Generalis Ordinis, præcedat eum, qui fuerat Superior Generalis Familiae; & si eodem munere plures functi fuerint pro eadem Familia, antiquior in professione præcedat; qui quidem ordo intra & extra aulam Capitularem servandus erit, quando sive in Refectorio sive in Choro ad latera sedent Capitulares; si autem alibi non ad latera sedeant, post Ministerium Generalem, sedebit Commissarius Generalis Familiae; postea Diffinitores Generales Ordinis: deinde Diffinitores Generales Familiae: postea PP. Provinciales juxta antiquitatem eorumdem: præterea Procurator Generalis: & post eum Secretarius Generalis: ac denique qui fuerant Superiores Generales, ita ut qui Minister Generalis fuerat, præcedat tunc, qui solum fuerat Commissarius Generalis; & si plures fuerint Magistri, antiquior præsentiam habeat, cuicumque Familiae fuerit.

## XVI.

Quod Feria Quinta ante Dominicam quartam post Pentecosten congregentur omnes Capitulares in Domo designata, ante meridiem, ut ad vesperum Præses Capituli congreget omnes Capitulares, & id faciat, quod juxta nostras Constitutiones præmittere debet.

## XVII.

Quod die sequenti, scilicet Feria Sexta, congregentur Familiae, unaquaque seorsim ab alia, & Præses cuicumque Vocalibus sua Familiae notum faciat Catalogum omnium Religiosorum, qui in Provinciis sua Familiae, attenda solum graduatione, & inspectis interstitiis juxta nostras Constitutiones, apti reperiantur ad munera & officia sua Familiae in eo Capitulo pertinentia; ut nullus postea conqueri possit, quod sua aptitudo non fuerit omnibus Vocalibus sua Familiae præsens; sed hujusmodi aptitudo ex pura graduatione & interstitiis judicanda erit, quin ad mores & observantiam referatur aptitudo hæc, ut alii includantur, excludantur alii, aliis daretur dissentionum, & occasio litium.

## XVIII.

Quod postea eodem die, alia tamen sessione, iterum congregentur Familiae seorsim, ut eligibilitatis scrutinium fiat ab unaquaque sequenti modo: Quod Familia, ex qua assumendus est Minister Generalis in eo Capitulo, juxta

De aliis re-  
bus Capituli  
celebrationi  
committen-  
dis.

De scrutinio  
eligibilitatis.

## XXI.

Quod si in aliquo scrutinio eligibilitatis, vel supra eo aliqua difficultates occurrerint, determinandæ sunt a Diffinitorio Generali ejusdem Familiae, cujus resolutioni standum erit, sub pena ad arbitrium ipsius Diffinitorii.

## XXII.

Quod his omnibus eadem Feria Sexta expeditis, sequenti die, Sabbatho scilicet, post solemnem Spiritus Sancti Missam, & cætera, quæ juxta nostras Constitutiones debent præmitti, congregentur omnes eo modo & forma jam præscriptis, ut moris est, in propria Aula Capitulari; & quod Præses eam concionem, quam tenetur habere, idiomate omnibus communi per se ipsum habeat; & peractis postea, quæ a nostris Constitutionibus disponuntur, modo eo ibidem disposito, fiat Ministerii Generalis electio.

## XXIII.

Quod post Vesperas ejusdem diei congregentur in Aula Capitulari Vocales omnes illius Familiae, pro qua Minister Generalis spirat, & Præside eodem, qui totius Capituli Præses fuerit, atque sibi electis Secretario & Scrutatoribus modo dicto, omnes simul canonicè eligant Commissarium Generalem ad triennium immediate futurum, pro sua, & ex sua Familia assumptum eodem modo ac ritu, quibus Minister Generalis Ordinis ante prandium electus fuerat.

## XXIV.

Quod sequenti die, videlicet Dominica, congregentur omnes utriusque Familiae Vocales, & similiter per secreta suffragia eligant ad futurum sexennium sex Diffinitores Generales Ordinis, qui semper assumendi erunt ex Familia Ministerii Generalis noviter electi.

## XXV.

Quod similiter post Vesperas hujus diei congregentur omnes, qui Commissarii Generalis fuerint pridie Electores, & ex sua familia, & pro ea sex alios Diffinitores Generales Familiae eligant ad futurum triennium qui necvocari possint, nec re ipsa erunt Diffinitores Generales Ordinis.

## XXVI.

Quod Diffinitores omnibus electis, congregentur tota solaque Familia intra-Hispania, & Præside eodem Capitulo Generalis, canonice & ad triennium ex sua Familia eligat Ministerium nostri Conventus Romani Sancti Caroli; & postea Familia, ex qua Minister Generalis spirat, similiter canonicè & ad triennium eligat ex sua Familia Ministerium nostri Collegii Romani de Propaganda Fide.

A a a 2

Quod

De electione  
novorum Dif-  
finitorum.

De electione  
Ministri Con-  
ventus Sancti  
Caroli de  
Urbe.



XXVII.

De electione Procuratoris Gen. Ordinis.

Quod immediate Feria Secunda Familia Ministri Generalis, qui spirat, albis nigrisque globulis, aut lapillis assumptis, eligat Procuratorem Generalem Ordinis pro Romana Curia, ex sua Familia assumptum, cui totum Capitulum, antequam finiatur, dare tenebitur Ordinis mandatum Generalis Procuræ.

XXVIII.

Et unius cuiusque Familie.

Deinde Familia Ministri Generalis electi, Præsides eodem Capituli, similiter ex sua Familia eligat Procuratorem Generalem Familie sue pro illius negotiis in Romana Curia exequendis, cui etiam ante finem Capituli dabit suum mandatum Procuræ cum expressa prohibitione sub præcepto formali, ne in communibus negotiis Religionis se immisceat nec verbo; aut scripto a se aut ab aliis sua Familie cognominetur Procurator Generalis Ordinis.

XXIX.

De designatione Domorum Capitularium.

Quod Feria Tertia quælibet Familia seorsim ex qualibet Provincia sua duas domos designet, quæ Capitulares cognominentur, ut qui fuerint earum Ministri, immediate ante Capitulum Generale Ordinis, aut Familie sue, in solius electionis in Ministros earum domorum Socii sint ad Capitulum Generale futurum; Itaut Minister domus, prius in hoc Capitulo designate, sit primus Socius, & in Capitulo futuro suffragium habeat: & Minister alter, scilicet domus posterius designate, pro eadem Provincia sit Socius Secundus, & in defectum alicujus capitularis.

XXX.

Quod si fuerit aliqua domus extra Provinciam, præter dictas Sancti Caroli, & de Propaganda, & Minister illius majorem partem triennii post suam Electionem expleverit, Familia illa, ad quam domus pertineat, Minister eligat in eodem Capitulo Generali ad triennium, quia postea finito triennio ad Diffinitorium Familie pro alio triennio usque ad Capitulum Generale pertinebit electio.

XXXI.

Quod electiones Ministrorum horum in Capitulo Generali poterunt fieri sine scrutinio ex omnibus aptis, quia propositis quinque ex aptis a Diffinitorio Provinciae, ex qua eligendus assumi debeat, Familia in eo Capitulo eligere poterit, quem judicaverit eligendum.

XXXII.

Confirmandi præcepta formalia Constitutionum.

Quod ad removendas opiniones contra observantiam, totum Capitulum confirmare debet omnia præcepta formalia, quæ in nostris Constitutionibus continentur.

XXXIII.

Quod octo postea designentur ex Ministris Provincialibus actualibus, & Diffinitoribus Familie, & una cum Diffinitoribus Generalibus Ordinis concurrant ad correctionem vel depositionem Ministri Generalis, si in illo sexennio opus fuerit, ut in nostris Constitutionibus statutum habetur.

XXXIV.

Quod cætera omnia fiant, cunctaque legantur, ut moris est, prout a nostris Constitutionibus est dispositum, ante confirmationes. Et his peractis, Præses Capituli imponat præceptum, quod juxta easdem Constitutiones, ut moris est, imponitur ad impedimenta detegenda; nulloque invento, vel a Diffinitorio Generali Ordinis judicio facta de alicujus impedimenti dubio, totum Capitulum Generale confirmet electionem Ministri Generalis Ordinis, ut moris est, post breve festæ Urbani PP.VIII.

XXXV.

Quod omnes Vocales ad illius Electionem confirmet Electionem Commissarii Generalis Familie.

De confirmatione electionis Ministri Gen.

XXXVI.

Quod postea duo Diffinitoria simul cum Præsides confirmet Electiones Diffinitorium Generalium Ordinis: ac demum ordine servato Electionum quælibet Familia cum Præsides confirmet eas Electiones, quas canonicè fecit.

Et Diffinitorium.

XXXVII.

Quod tempore Capituli Generalis ultra Missam, & concionem designatam a nostris Constitutionibus, duæ publicæ post solemnem Missam conciones erunt ex festivitibus Ordinis ad arbitrium Præsidis, qui tempore apto monere debet Provinciales sua Familie, ut Prædicatores eligant, quos voluerint pro determinata ab ipso Præside concione faciendâ in Capitulo illo. Monemus tamen Provinciales, ut si concionatores vel concionator aliquis satirice ad animum populi excitandum, vel complacendum, prædicaverit, illico & perpetuo prædicandi & concionandi licentias auferant, vel licentiam, itaut nisi de consensu Capituli Generalis futuri, minime, qui defecerit, possit intra nec extra domus nostras Spiritus Sancti ascendere Cathedram.

XXXVIII.

Quod cum favente Deo plures sint extra Hispaniam instituta Provinciae, & ad felicitius faciliusque Ordinis regimen sub unitate unius Capitis bipartitio facta fuerit & instituta, ut in omnibus utraque Familia dignoscatur æqualis, & ad præscriptum Regulæ de trienn-

triennio in triennium celebretur Capitulum Generale, quod quidem juxta illius tenorem semper celebratum fuit, ut solum de sexennio in sexennium fuerit Capitulum electivum Ministri Generalis juxta illud Regulæ: Electio Majoris ac Generalis Ministri de sexennio in sexennium, & post triennium hujus Capituli electivi aliud Capitulum generale, quod ab initio vocatur intermedium: ita etiam fervetur in posterum, hoc solo discrimine, quod Capitulum electivum de sexennio in sexennium celebrandum Capitulum Generale Ordinis vocetur: & Capitulum intermedium solum celebretur in ea Familia, ex qua in Capitulo Generali Ordinis Commissarius Generalis electus fuerit; sicque verificabitur, quod semper de triennio in triennium aliud Capitulum Generale celebretur in Ordine.

XXXIX.

Capit. electivum Ministri Gen. in ejus Familia celebrandum.

Quod Capitulum, Ministri Generalis electivum, semper celebrari debet intra Familiam, ex qua Minister Generalis spirat, cui Familie correspondet celebratio futuri Capituli Generalis intermedii, ut sic supremum Caput Religionis nunquam munus suum finiat extra Familiam suam.

XL.

De Capitulo intermedio nacionali.

Quod Capitulum Generale intermedium celebrari debet juxta Regulam Sabbatho ante quartam Dominicam post Pascha, post triennium a die celebrationis Capituli Generalis Ordinis, intra propriam Familiam, extra Curias Principum, in Domo designanda a Præsides Capituli, qui semper erit Commissarius Generalis Familie, nisi intra illam & extra propriam Familiam adsit Minister Generalis Ordinis, & voluerit præsidere in dicto Capitulo intermedio.

XLI.

Quod si, instante tempore Capituli, Præses infirmetur, possit differre Capitulum per unum mensem tantum, quo elapso, si adhuc fuerit impeditus, vel si congregato jam Capitulo egrotaverit, præsideat Diffinitor Generalis Familie actu Prior inter alios.

XLII.

Quod ad hujusmodi Capituli celebrationem per suas literas convocatorias convocare debet, & invitare per invitatorias Superior Generalis Familie omnes, qui concurrere debent & possunt, eo modo, quo dictum est de Capitulo Generali Ordinis in aliquo anno sit futurus Præses Capituli intermedii.

XLIII.

De iis, qui suffragium habere debent in Cap. intermedio.

Quod in Capitulo intermedio suffragium habere debent Minister Generalis si adsit Superior Generalis Familie: Diffinitores Generales illius: Ministri Provinciales, vel

Vicarii Provinciales ejusdem: Ministrique actuales Domorum Vocalium, quæ in Capitulo Generali Ordinis designatæ fuerint, ut earum Ministri, finito sexennio, Socii sint ad Capitulum Generale Ordinis; Quippe Ministri hujusmodi Domorum ad Capitulum intermedium debent concurrere, & eorum Successores in eisdem Domibus ad Capitulum Generale Ordinis; quod etiam intelligitur de Sociis in defectum: Præterea suffragium habebit in hoc Capitulo intermedio intra Hispaniam Procurator Generalis Hispanie, & extra Hispaniam Procurator Generalis Ordinis in Curia Romana: Deinde Secretarius Generalis superioris Familie: Ac demum qui in eadem Familia assumpti fuerant aliquando Superiores Generales Ordinis vel Familie; itaut hi pro libito, cæteri autem, sub pœna perpetuæ privationis concurrere, tenentur, sicut dictum est circa Capitulum Generale Ordinis.

XLIV.

Quod in Capitulo intermedio circa præcepta scrutinia, selectiones eligibilium, ac cætera præambula, ea omnia observentur, quæ dicta manent circa Capitulum Generale Ordinis, & habentur in nostris Constitutionibus.

Cætera servanda, prout in Cap. Gen. Ordinis.

XLV.

Quod tempore Capituli sedeant ordine, quo nominati sunt, & quod si casus occurrerit, in quo recens Electus præfens fuerit, sedeat immediate post Commissarium Generalem, qui spirat, & statim suffragium habeat, quamvis de corpore Capituli non sit.

XLVI.

Quod, facta electione Superioris Generalis Familie, quæ semper debet fieri prædicto Sabbatho ante prandium, vespere congregentur Vocales, & sex Diffinitores Generales Familie ex eadem eligant.

Eligendi D.F. huiusmodi Familie.

XLVII.

Quod altera die congregentur omnes in aula Capitulari, & si Familia fuerit intra Hispaniam primò eligat Ministerum nostri Conventus Romani S. Caroli; & licet intra Hispaniam non sit, eligat Ministerum nostri Collegii Romani de Propaganda Fide.

XLVIII.

Quod Capitulum Generale intermedium nullas alias electiones facere poterit; Ideo his finitis agere debet de redemptione & observantia, facereque Statuta & Ordinationes pro sua Familia, quæ minime opponantur factis a Capitulo Generali, vel Diffinitorio Generali Ordinis; atque sibi eligere Chronistam pro tota sua Familia.

Cætera per hoc Cap. faciendâ.

XLIX. Quod



## XLIX.

Quod, omnibus peractis, Commissarius noviter electus coram toto Capitulo reprobmittat obedientiam, eamque promittat specialem tempore sui muneris Superiori Generali Ordinis: Et postea totum Capitulum confirmet P. Commissarii electionem; & deinde confirmet etiam singulas electiones, quas canonicè fecit: & sicut leganturque, quæ faciendæ & legenda sunt in Capitulo generali, juxta nostras Constitutiones.

## L.

Quod dissoluto Capitulo Capitulares se mutua fraterna charitate amplectentur, & in suos Conventus proficiantur.

## LI.

Quod illico & quamprimum Secretarius, qui fuerat Diffinitorii Familiae, certior faciat Ministrum Generalem Ordinis de omnibus electionibus, & de repromissione obedientiæ moderni Commissarii Generalis.

De quibus omnibus certior facientur Minister Generalis.

## LII.

Quod in casu, in quo eligendus sit Vicarius Generalis Ordinis propter defectum Ministri Generalis, ut diximus, Prior Diffinitor Generalis Ordinis tunc superstes per suas literas vocatorias congreget omnes Vocales suæ Familiae, qui concurrere tenerentur, & possent, si in ea Familia celebrandum esset Capitulum intermedium; designetque Dominum aptam etiam extra Principum Curias pro celebratione Congregationis, ut in ea congregentur tempore apto ad ipsius arbitrium, itaut quamprimum fiat Vicarii Generalis electio.

De modo pro cedendi ad electionem Vicarii Generalis.

## LIII.

Quod, si Diffinitoribus Generalibus Ordinis, illo & alio exceptis, constiterit, quod per omissionem aut industriam prædicti primi Diffinitoris retardatur Congregatio, & Vicarii Generalis electio, liberum sit illis ad Sedem Apostolicam authentice concurrere, ut a Summo Pontifice destinetur Vicarius Generalis Ordinis.

## LIV.

Quod prædictus Diffinitor primus sit Præses hujus Congregationis, in qua imponat præceptum ad impedimenta detegenda; cunctaque alia exerceantur, quæ exercere debet Præses cujuscumque Capituli.

## LV.

Quod in prædicta Congregatione fiant scrutinia eligibilitatis usque ad numerum quintum eligibilium, prout in Capitulis Generalibus.

## LVI.

Quod post Missam solemnem de Spiritu Sancto, & cætera Præambula, quæ sunt in Capitulis, fiat Electio Vicarii Generalis ante prandium, qua facta, immediate post Electionem pergant processioniter in Ecclesiam cantantes Te Deum, quamvis noviter Electus non sit in eadem domo, in qua si fuerit, ab ipso benedictionem accipiant.

## LVII.

Quod Vespere iterum congregentur, & si Diffinitor aliquis electus fuerit in Vicarium Generalem, Congregatio eligat novum Diffinitorem Generalem Ordinis; & si occurrat aliquod negotium urgens pro tota Religione, aut aliqua Familia, determinetur ab omnibus, ut moris est.

## LVIII.

Quod postea confirmet electionem Vicarii Generalis; & deinde, si eam fecit, confirmet etiam Electionem Diffinitoris noviter electi.

## LIX.

Quod postea Congregatio dissolvatur, mutuoque amplectentur Vocales, quin aliud fiat, neque concionem aliquam habere; debeat in hac Congregatione. Si autem aliquis Provincialis, vel Vocalis alter, electus fuisset in Vicarium Generalem, ad Diffinitorium Provinciae pertinebit electio sive Provincialis sive alterius Officii, quod electus habuerat.

## LX.

Quod si factio tertio scrutinio adhuc non fuerit electio canonica, omnis scrutinio, ille intelligatur vi hujus Constitutionis electus, pro quo fuerit major numerus suffragiorum, quam pro alio aut aliis. Si autem pro duobus æqualis numerus suffragiorum repertus fuerit, maiorque quam pro aliis, tunc antiquior in professione reputabitur canonicè electus.

## LXI.

Quod Diffinitores Generales Ordinis perpetuo solum erunt sex, & in toto Ordine eam præminentiam, cæteraque omnia, prout in nostris Constitutionibus, habere debent. Diffinitores vero Generales Familiae similiter, intra Familiam tantum, & post Diffinitores Generales Ordinis.

Diffinitores Gen. Ordinis sex:

## LXII.

Quod duo Socii cujuscumque Provinciae ad Capitulum Generale erunt Ministri actuales domorum capitularium, quæ in Capitulo generali Ordinis electæ fuerint, itaut Minister

Duo Socii cujusque Provinciae Ministri actuales domorum Capitularium.

## LXVIII.

Quod pro hac prima vice suffragium habeant omnes secundi Socii Provinciarum, ut suppleantur suffragia Vocalium, qui ad futura Capitula Generalia ex nunc eligi debent.

## LXIX.

Quod in Regula nostra, in qua juxta dispositionem Sanctissimi Domini Nostri fel. re. Urban. VIII. dicitur, quod electio Ministrorum Provincialium, & Conventualium, fiat in Capitulo generali, auferatur vox, Generali; quatenus juxta Breve Sanctissimi Domini Nostri Clementis PP. XII. hujusmodi Electiones jam fieri debent in Capitulo Provinciali.

Quædam explicationes ad Regulam Ordinis.

## LXX.

Quod Regula, ubi Cap. 41. Diffinitorio generali depositio Prælatorum, & eorum subrogatio reservatur, intelligitur de Diffinitorio generali Familiae illius, qui deponitur.

## LXXI.

Quod sub voto non ambiendi comprehenduntur Commissarius Generalis, Vice-Commissarius, Diffinitores Generales Familiae, & omnes alii, qui habitu vel actu Prælati fuerint.

## LXXII.

Quod circa vacationes seu interstitia, quæ in nostris Constitutionibus præscribuntur, addatur, quod Nullus possit eligi in Capitulo, in quo spirat, in aliam Prælaturam, nisi in Superiorem Generalem, Ministrum scilicet juxta nostras Constitutiones, Vicarium, Commissarium aut Vice-Commissarium, si per sex annos integros & continuos semper intra illos functus fuerit officio Diffinitoris Generalis Ordinis; vel uno triennio Superioris Provincialis, & altero immediato Diffinitoris Generalis, vel Provincialis; vel duobus trienniis Ministri Conventualis, & in altero Diffinitoris vel Ministri Provincialis.

## LXXIII.

Quod circa reelectiones addatur, quod Commissarius Generalis reelegi non possit in suum officium, nisi eo fuerit functus per triennium integrum: Et quod nec Minister Generalis in Commissarium, neque Commissarius in Ministram Generalem eligi possit, nisi casu quo Commissarius Generalis electus fuerit per solum annum ante Capitulum.

LXXIV. Quod

ster domus prius electæ sit primus Socius, & Minister posterius electæ domus sit secundus Socius, cujus munus solum sit concurrere extra domum capitularem in loco proximo ad illam, ut præsto & in promptu sit ad hoc, ut si opus fuerit ob defectum alicujus Vocalis suæ Provinciae, suffragium habeat, supplendo pro eo; nisi Vocali, qui deficiat, liberum fuerit adesse Capitulo; quippe horum suffragia suppleri non debent.

## LXIII.

Quod si per mortem, infirmitatem, aut aliam justam causam, Minister alicujus domus capitularis non possit interesse Capitulo, tunc Diffinitorium Generale suæ respectivæ Familiae seligere possit domum alteram, cujus Minister actualis concurrat ad Capitulum, semper ut Socius secundus. Si autem contingat, utrumque Socium pro aliqua Provincia simul deficere, Minister domus prius electæ a Diffinitorio in illo casu erit Socius primus.

## LXIV.

Quod Procurator Generalis Hispaniæ, qui non aliquarum, sed omnium Provinciarum Familiae suæ, & Procuratoris, & Diffinitorii Generalis semper habuit procuræ mandatum: idemque a Diffinitorio generali Familiae suæ propter negotia ejusdem Diffinitorii habere debet; ab eodem Diffinitorio semper eligatur de triennio in triennium juxta nostras Constitutiones.

De Procuratore Gen. Hispaniæ.

## LXV.

Quod si Familia intra-Hispana, quando ei competit Capitulum Generale intermedium, illud celebrare non possit, illius Diffinitorium Generale eligat Ministrum nostri Conventus Romani Sancti Caroli ad sequens triennium: Et similiter Familia, quæ prædictum Capitulum celebrare jam instante tempore nequeat, per suum Diffinitorium Generale eligat Ministrum Collegii nostri de Propaganda Fide ad immediatum triennium.

Modus supplendi Capitulis intermediis si haberi nequeat.

## LXVI.

Quod Superior Generalis Ordinis, ex Familia extra-Hispana assumptus, nullam jurisdictionem exerceat in Conventu nostro Romano Sancti Caroli, nisi eam tantum, quam in alios Hispaniæ Conventus exercere poterit; & quod in eo Conventu residere non possit; Quod potiori jure intelligendum est de Commissario generali extra-Hispano.

Quædam Privilegia Conventus S. Caroli de Urbe.

## LXVII.

Quod Procurator Generalis, qui ex Hispania non fuerit electus, nunquam in prædicto Conventu commorari possit, aut residere.